



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ՀԱՅ ՊԵՏԱԿԱՆ ՊԱՏԳԱՍԱՒՈՐՆԵՐՈՒ ԱՅՑԵԼՈՒԹԻՒՆԸ

Երեքշաբթի, 7 Դեկտեմբերի կեսօրին, Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան ընդունեց այցելութիւնը Հայաստանի եւ Արցախի Ազգային Ժողովներու անդամներու, որոնք այս օրերուն Լոս անճելըս կը գտնուին Յ.Յ.Դ. 120ամեակին նուիրուած հանդիսութեանց ու գիտաժողովներուն առիթով: Այցելուներն էին Հայաստանի Ազգ. Ժողովի անդամ Լիլիթ Գալստեան, Արցախի Ազգ. Ժողովի անդամ Արմէն Սարգսեան, Յ.Յ.Դ. Կեդր. Կոմիտէի ներկայացուցիչ Տիար Աւետիք Իզմիրլեան եւ հայ մամուլի երախտաւոր ծառայողներէն՝ «Դրօշակ»ի նախկին խմբագիր ու Յունաստանի «Ազատ Օր» օրաթերթի աշխատակից Նազարէթ Պերպերեան:

Ազգային Առաջնորդարանին մէջ տեղի ունեցած հանդիպումին ներկայ եղան Ազգ. Կեդրոնական Վարչութեան անդամ Տիար Վահէ Եագուպեան, Ազգ. Առաջնորդարանի քրիստոնէական Դաստիարակութեան բաժանմունքի վարիչներ՝ Գերայ. Տ. Միւռն Ծ. Վրդ. Ազնիկեան, Հոգ. Տ. Պարթեւ Վրդ. Կիւլիմեան, Ազգ. Վարչութեան ատենապետուհի Տիկին Ռիմա Պողոսեան եւ անդամներ՝ Տեարք Ծորճ Զօրպաճեան, Թորոս Զէչէճեան եւ Խաչիկ Երեցեան: Հրաւիրուած էին նաեւ Յ.Յ.Դ. Բիւրոյի անդամ Տոքթ. Վիգէն Յովսէփեան, Ազգ. Կեդրոնական Վարչութեան անդամ Տիար Խաժակ Տիգիճեան, Լիբանանի նախկին երեսփոխան եւ նախարար Տիար Շահէ Պարսումեան, եւ Իրանի խորհրդարանի անդամ Տիար Գեորգ Վարդանեան սակայն բանաւոր ու յարգելի պատճառներով չկրցան ներկայ ըլլալ հանդիպումին:

Նկատի ունենալով, որ հանդիպումը կը զուգահեռաբար Հայաստանի մէջ երկրաշարժի տարեդարձին, առաջին հերթին, Ազգ. Առաջնորդարանի «Ս. Տրդատ եւ Ս. Աշխէն» մատրան մէջ, Առաջնորդ Սրբազանին գլխաւորութեամբ տեղի ունեցաւ հոգեհանգստեան արարողութիւն, որմէ ետք, հիւրերը բարձրացան դահլիճ:

Առաջնորդ Սրբազանը ողջունեց հիւրերը եւ գնահատանքով արտայայտուեցաւ հայ պետական անձնաւորութիւններու հայրենանուէր ու ժողովրդասուէր ծառայութիւններուն մասին: Ան նաեւ շնորհաւորեց զանոնք՝ Յ.Յ.Դ.աշակցութեան 120ամեակին առիթով եւ վեր առաւ անոնց մասնակցութիւնը յիշեալ հանդիսութիւններուն ու ձեռնարկներուն: Առաջնորդ Սրբազանը նաեւ լուսաբանութիւններ տուաւ Ազգ.

Առաջնորդարանի յարկին ու հովանիին տակ տարուող եկեղեցաշէն ու սերնդակերտ աշխատանքներուն մասին:

Ողջոյնի խօսքեր արտասանեցին Տեարք Վահէ Եագուպեան, Տիկին Ռիմա Պօղոսեան եւ Տիար Աւետիք Իզմիրլեան: Իրենց կարգին, շնորհակալութեան խօսք արտասանեցին հիւր պատգամաւորները՝ Լիլիթ Գալստեան եւ Արմէն Սարգսեան, վեր առնելով պատասխանատուութեան ու բարձր գիտակցութեամբ ծառայելու, Հայրենիք-Սփիւռք գործակցութեան ու փոխադարձ զօրակցութեան, ինչպէս նաեւ Արցախեան Պայքարէն ներշնչուած՝ մեր իրաւունքները աննահանջ կերպով շարունակելու եւ հայրենաշինութեան նուիրուելու հրամայականները:

Հանդիպումի աւարտին, Առաջնորդ Սրբազանը յուշանուէրներ յանձնեց յարգելի հիւրերուն, որոնք այնուհետեւ ծանօթացան Ազգ. Առաջնորդարանի տարբեր բաժանմունքներուն: Առաջնորդ Սրբազանը բոլոր ներկաները հիւրասիրեց ճաշով:

PRELATE WELCOMES NATIONAL ASSEMBLY MEMBERS OF ARMENIA AND ARTSAKH

On Tuesday, December 7th, 2010, H.E. Archbishop Moushegh Mardirossian, Prelate, welcomed Ms. Lilit Galstyan, member of the National Assembly of Armenia, and Mr. Armen Sargsyan, member of the National Assembly of Artsakh, who are in Los Angeles to participate in ARF 120th anniversary celebrations. The guests were accompanied by ARF Central Committee Chair Mr. Avedik Izmirlian and Mr. Nazaret Berberian, former editor of the "Troshag" newspaper and contributor to the "Azad Or" newspaper

Also participating in the meeting were Very Rev. Fathers Muron Aznikian and Barthev Gulumian, Central Executive member Mr. Vahe Yacoubian, Executive Council Chair Mrs. Rima Boghossian and members Mr. George Chorbajian, Mr. Toros Kejejian, and Mr. Khatchig Yeretjian.

ARF Bureau member Dr. Viken Hovsepian, former Lebanese Parliamentarian Mr. Shahe Barsoumian, and member of Iran's Parliament Mr. Gevorg Vartanian were also invited but were not able to attend.

Given that the visit coincided with the 22nd anniversary of the earthquake in Armenia, guests first headed to the "St. Dertad and St. Ashkhen" Chapel for a requiem service in memory of the victims, after which the meeting took place in the reception room.

In his welcoming remarks, the Prelate commended their service to the advancement of our nation and their participation and contributions in the 120th anniversary celebrations of the ARF. He also conveyed to them information about the endeavors and mission of the Prelacy.

Remarks were also delivered by Mr. Yacoubian, Mrs. Boghossian, and Mr. Izmirlian.

Mrs. Galstyan and Mr. Sargsyan expressed their thanks for the warm welcome and meeting. In their remarks, they both spoke of the importance of

collaboration between the Diaspora and Armenia and Artsakh, and of continuing our struggle for our rights and for the prosperity of our nation.

The Prelate presented the guests with mementos, and after a brief tour of Prelacy departments, hosted them to lunch.